

INUIT ATAQATIGIIT

INATSISARTUNI



UPA 2014/102.1

24. april 2014

Mimi Karlsen

Meeqqat atuarfiani naammassisut inuuniarnermikkut piginnaasakkul-luunniit patsiseqartumik ilinniagaqalinngitsoortartut perorsimaneruler-nissaat piginnaanngorsarnissaat piumassuseqarnerulernissaallu siunertaralugu Naalakkersuisut misissuinissamik aallartitseqquullugit Inatsisartut aalajangiiffigisassaattut siunnersuut. Misissuineq 2015-imi upernaakkut ataatsimiinnermi nalunaarusiamik agguaassinerlik inerneqas-saaq.

(Inatsisartunut ilaasortaq Evelyn Frederiksen, Siumut)

Evelyn Frederiksen meeqqat atuarfianit naammassisut perorsimanerulernissaat piginnaanngorsarnissaat piumassuseqarnerulernissaallu siunertaralugu Naalakkersuisut misissuinissamik aallartitseqquullugit siunnersuuta oqaaseqarfingissav-put.

Siullermik apeqquserusupparput suut nalilersuutigalugit meeqqat atuarfianit naammassisut perorsimanerulererat uuttorneqarsinnaanersoq. Taamatuttaaq piumassuseqarneruneq qanoq uuttorneqarsinnaava?

Taama apeqquteqarnitsinnut peqqutaavoq misissuinissamik aallartitsigaanni uuttuutit suut atorlugit misissuinissaq nalorninartoqartikkatsigu.

Meeqqat atuarfiani pingaartinneqarpoq meeqqat qanoq ittuugaluarpatluunniit inissaqartinneqarnissaat, meeqqat killifii naapertorlugit atuartitsinerup ingerlanneqarnissaa aammalu meeqqap kinaassuserisaa innarlernagu atuartinneqarnissaat. Tamatuma kingunerivaa meeqqat atuarfianiit naammassisartut assigilngilaarnerat.

Nunani allani nalinginnaavoq meeqqat 15-16 ukioqarlutik meeqlaat atuarfiat naammassisaraat, taamaapportaaq nunatsinni.

Meeqqat ilikkagaqarluarsimallutik meeqqat atuarfianiit naammassisarnissat angajoqqaat atuarfiullu suleqatigiillutik isumannaarniartussaavaat.

Inuit Ataqatigiit pingaartipparput siusinaartumik iliuuseqarnikkut meeqqat iner- artornerat pitsasumik ingerlanissaa qulakkeerniarneqartartassasoq. Tamanna meeqqat inoorlaajuneraniit, meeqlerivimmanneraniit siusinaartumik iliuuseqar- figureqarnissaata qulakkeerneratigut pineqassaaq. Pisariaqarpallu angerlarsimaf- fiup tapersorsorluarneqarneratigut anguniarneqassalluni.

Tamakku assigiinngitsut qulakkeerneratigut Inuit Ataqatigiit isumaqarpugut meeqqat atuartut ilikkarluarnissaminut periarfissaat qulakkeerneqarluarsinna-nerusoq.

Soorlu siusinnerusukkut meeqqat atornerlunneqarsimasut saafissaannik pilersitsinkut, meeqqat illersuisuanik pilersitsinkut aammalu meeqqat siusissukkut maluginiartarnissaannik pilersitsinkut qulakkeerinninniarsimavugut meeqqat amerlanerit toqqissumik meeraanissaat.

Inuit Ataqatigiit isumaqarpugut meeqqat inuuniarnermikkut piginnaasaasa iner- artornissaat assigiinngitsutigut qulakkeerinikkut ineriertuutissanillu pilersaarusi- orluarnikkut anguniarneqartassasut.

Taamaamat meeqqat atuarfiat angajoqqaalu suleqatigiinerunissaat anguniar- tuartariaqarpoq, meeqqat inerisimassutsimikkut piginnaasaqarluartut angussa- gutsigit.

Meeqqat atuarfianiit naammassisut ilinniarfinni assigiinngitsuni ilinnialernissaat ilinniarfiit piareersimaffigisariaqaraat Inuit Ataqatigiit isumaqarfigaarput. Meeqqat ukiukinnerulerput meeqqat atuarfianiit naammassisartut, taamaammallu ilinniar- fiit taakkununnga naleqqussartariaqarput. Tassa ilinniarfiit meeqqanut ukiukinne- rusunut atuartitsisarnissaminnik piukkunnarsartarnissaat pingaartipparput.

Meeqqat atuarfiani naammassisut inuuniarnermikkut piginnaasakkullunniit patsi- seqartumik ilinniagaqalinngitsoortartut perorsimanerulernissaat piginnaanngor- sarnissaat piumassuseqarnerulernissaallu siunertalarugu Naalakkersuisut misis- suinissamik aallartitseqquullugit Inatsisartut aalajangiiffigisassaattut siunnersuut Inuit Ataqatigiit pingaernerutinngilarput, pingaernerutilluguli meeqqat ineriar- tornissamikkut periarfissaasa annertusartuarneqarnissaat.

Inuit Ataqatigiinniit suliap qanoq ingerlaqqinnissaa aqqutissiuukkumallugu ataatsi- simiitsitaliamut tassunga tungassuteqartumut ingerlateqqinnissaa innersuussu- tigaarput.